

## ETH CATALAN E ES ONZE LENGÜES OFICIAUS NAUES DES CANDIDATS ARA ADESION

### Dotze nauï estats, onze lengües naues

Era Union Europèa a rebut era sollicitud d'adesion de dotze estats: Bulgària, Eslovàquia, Eslovènia, Estònia, Ongria, Letònia, Lituània, Malta, Polonha, Romania, Republica Chèca e Chipre. Toti eri se i incorporaràn enes pròplèus ans.

Es lengües oficiaus en aguesti estats son eth bulgar, er eslovac, er eslovèn, er estonian, er ongrés, eth leton, eth lituan, eth maltés, eth polonés, eth romanés, eth chèc e eth grèc. Ena UE ampliada i aurà, per tant, onze naues lengües, pr'amor qu'eth grèc ja i é present.

A diferència des quinze estats que constituïssen actuaument era Union Europèa, en quauqui casi (Eslovàquia e es estats baltics) non pas tota era poblacion deth territòri sap parlar era lengua oficiau estatau.

### Eth catalan ei era tresau lengua respècte des onze lengües oficiaus naues des dotze estats candidats

Entad açò qu'ei ath nombre d'abitants, des dotze estats candidats sonque n'í a dus damb ua poblacion més grana qu'era deth conjunt de territòris enes quaus eth catalan ei oficiau: Polonha, damb més de 38 milions d'abitants, e Romania, que despasse es 22. I a ueit estats qu'an mens de 10 milions d'abitants.

Se comparam eth nombre de persones que viuen enes territòris a on eth catalan ei oficiau damb eth des que viuen enes futurs nauï estats dera Union Europèa, eth catalan aucepe eth tresau lòc per deuant de d'auetes nau lengües.

**Taula 4. Eth catalan e es onze lengües oficiaus naues des estats candidats**

LENGUA	POBLACION
Polonés	38,7M
Romanés	22,5M
Catalan	10,8M
Ongrés	10,5M
Chèc	10,3M
Bulgar	8,3M
Eslovac	5,4M
Lituan	3,7M
Leton	2,4M
Eslovèn	2,0M
Estonian	1,4M
Maltés	0,4M


HÒNT DES DONADES: IDESCAT. INE. Panorama dera UE. 2000.

Se non auem en compde qu'eth nombre de persones qu'efectivament la saben parlar, eth catalan a mès parlants que sies des lengües des estats candidats.

Entad açò que tanh ara activitat economica e en tot préner coma referéncia eth PIB en EPA disponible per capita en aguesti estats, era mieja conjunta de Catalonha, es Isles Balears e era Comunitat Valenciana ei superiora ara de quassevolh d'aguesti estats.

En mapa següent se detalhe:

- eth nòm dera lengua oficiau e er estat a on a aguesta consideracion
- era poblacion der estat a on ei oficiau aguesta lengua, en milions (M) d'abitants



*Respècte as 11 lengües des estats candidats dera Union Europèa, eth catalan aucepe era 3au posicion*

HòNTS: Panorama dera UE, 2000. IDESCAT. INE.